



partii naleraq

Nuuk, 20. Maj 2015

Per Rosing-Petersen

UPA 2015/77

Nunatta Karsiata 2014-imut naatsorsuutaasa Inatsisartunit akuerineqarnissaat pillugu Inatsisartut aalajangiiffigisassaattut siunnersuut.

(Aningaasaqarnermut Aatsitassanullu Naalakkersuisoq)

Ippassaq 2013-mut naatsorsuutit akuerivagut, taamaattumillu kukkussutaasimasut ilisimaarilluarlugit 2014-mut naatsorsuutit ullumi Inatsisartuni siullermeerluta eqqartussavagut, ukiamullu ataatsimiinnissatsinnut Kukkunersiuinermi Ataatsimiititaliap isumaliutissuussiornissaminik piffissaqarnerulluni sulisinnaanissaminut periarfissinneqarluni.

Partii Naleqqamiit ataatsimiititaliap sulilluarnissaanik kissaakkusupparput, naatsorsuutigilluinnarparput ataatsimiititaliap tutsuiginassutsini tamatigoortuunissanilu sapinngisani tamaat atorlugu suliaq torersumik naammassiniarumaara.

Kukkunersiuinermi Ataatsimiititaliap sulinermi makku qitiulluinnartumik toqqammaviginiartussaavaat:

Missingersuusiordermi inatsit maleqqinnaarlugu Naalakkersuisut sulisimanissaat qulakkeerniassallugu taamaattoqanngippallu tamakku qulaarlugit inatsisartunut nalilersungassanngortillugit saqqummiunnissaat isumaliutissiissut aqqutigalugu.

Ilassutitut aningaasaliissutinut atatillugu aamma inatsisaat maleqqissaarsimanissaata qulakkeernissaa aammalu kukkunernik uteqattaarisooqarsimannginnissaa ilanngullugu qulakkeerniassallugu

Taakku tunngavigalugit ataatsimiititaliap anguniassuai makku:

- Aningaasartuutit isertitallu aningaasaliissutaasimasut malillugit isumagineqarlutillu atorneqarnersut nalilersornissaat.
- Namminersorlutik Oqartussat nalilinnik pigisaannik aningaasaqarnikkut isumannaat-sumik ingerlatsisoqarnersooq nalilersussallugu, taamatullu aamma tamanna anguneqarsin-naasaqqullugu nammineq maleruagassanik siunnersuuteqartarnissaq.
- Landskarsip naatsorsuusereriaasianik pitsanngorsaataasinnaasunik siunnersuuteqartarnis-saq, tamanna ataatsimiititaliamit pisariaqartutut isigineqaraangat.
- Kukkunersiuisut avataaneersut nalunaarutaat nassuiaataallu aammalu Naalakkersuisut taakku pillugit nassuiaataat isummerfigisarnissaat.
- Inatsisartunut naatsorsuutit akuerineqarnissaat pillugu inassuteqaateqartarnissaq.

Taakkulu tunaartalugit ataatsimiititaliap Partii Naleqqamiit qularinnginnatsigu suliumaartoq, ilaatigut qulaajarlugu sooq Naalakkersuisut siorna 246 miliuunit koruuninik missigersuutiminniit Naalakkersuisut pikkorliorujussuarnerata kingunerisaanik uniuerujussuarlutik sippuisimanersut. Taassumallu kukkulutorujunnerujussuup saniatigut misissugassat allat aamma qulaajaaffigiumaaraat.

Tassunga ilanngullugu aamma Partii Naleqqamiit piumasaraarput ukiuni amerlasuuni ataatsimiititaliap suliassaqarfimminik nukittorsaasimanera ingerlatiinnarlugu ullutsinnut naapertuuttumik aamma angusaqarumaartoq. Soorlu aamma sukumiisumik suliat assigiinngitsut aallarteriikkani naammasillugit saqqummiukkumaaraat naatsorsuutigilluinnaripput.

Taamatut oqaaseqarluta ukiamut Inatsisartut katersuuteqqinnissaanut isumaliutissuusiornerninnut sulilluarnissanik Partii Naleqqamiit kissaappagut, 2014-mullu naatsorsuutit taamaasilluta aappassaaneernejanninneranni Kukkunersiuiinermi Ataatsimiititaliamut sulissanngortillugit.

Qujanaq